



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE DOMUS DE MARIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

## 14/03 GIORRONADA NATZIONALI DE SU PAESÀGIU

S'amparu de su paesàgiu est unu de is printzìpius de importu postu me in sa Costituzioni e balori seguru in su svilupu sustenìbili de sa sociedadadi. Po cussu su Mibact (Ministeru de is Benis e de is Atividadis Culturalis e de su Turismu) at fatu nasci po su 14 de martzu 2017 sa primu editzioni de sa "Giornata Nazionale del Paesaggio". Sa mira est cudda de promovi fainas me in su territòriu ca sensibilizant istituzionis e citadinus a sa cultura de su paesàgiu e totu su chi a issu est acapiau, cumentì a scèberus e imperus de su territòriu a cunforma de is punnas ambientalis e programatzionis paesagìsticas sintzillas. Duncas in su 2014 nascit s'Osservatòriu Natzionali po sa calidadi de su paesàgiu, logu aundi Aministratzionis, Ministeru, Assòtzius ambientalistas e Universidadi chistionant impari po produxi ghias po un'imperu sustenìbili de calisiat territòriu impari a pràticas bonas po ddu podi balorizai e amparai.

S'aministratzioni e sa comunidadi de Domus de Maria ci tenint a su territòriu insoru e traballant po ddu allogai e ddu balorizai. In su 2018 at arriciu un'arremoni specialis po su Prèmiu de su Paesàgiu da su Consillu d'Europa cun su progetu cun titulu "La fascia costiera di Chia: realizzazione di un bene identitario complesso".